



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

4. Qui excusentur ab obligatione iejunij Ecclesiastici.

urn:nbn:de:hbz:466:1-40916

verò peccat mortaliter toties, quoties in die vescitur cibis prohibitis, carne, aut lacticinio, quia ista præcepta sunt negatiua de non comedendo, quæ franguntur, quoties comeditur, & præceptum ieiunij est affirmatiuum, & semel fractum, non potest illo die iam seruari; sic nec nouum mortale committit, qui de nouo vescitur, sicut de carne, ac lacticinio, ut tenet Nauar. num. 25. Sermo igitur est de hoc præcepto ieiunij, quod secundum omnium Sanctorum Doctorum sententiam, obligat sub mortali peccato. Ita habet S. Thom. 2.2. q. 147. art. 3. & alij omnes: consuetudo enim Ecclesiæ est talis, ut sub mortali ieiuniu[m] sit obseruandum. Aduerte tamen, obligari hominē, non solum præcepto hoc ecclesiastico, sed & præcepto diuino ieiunare, cum aliter non potest prouideri saluti suæ spirituali: nam qui periculo se exponit peccandi mortaliter, nisi ieiunio frater carnem, ieiunare tenetur diuino præcepto, & hoc obligat omnes cuiuscumque ætatis, & conditionis, & quocumque tempore, licet sit dies dominicus: tenetur enim abstinere, quantum in necessarium est, pro salute spirituali, licet non sit ieiuniu[m] eodem modo quo Ecclesiasticum obseruandum: nam si non potest prouidere sibi, vescendo carnibus moderatè, aut abstinendo à vino, tunc ad id solum tenetur. Aliquando etiam tenebitur aliquis ieiunare in pane & aqua, si opus est. Tenetur aliquando homo ieiunare ratione alicuius voti facti: aliquando ratione pœnitentiæ impositæ à Confessario, & aliquando pro salute corporali. Nam dietas necessarias saluti corporum, sine quibus manifestè periclitatur corpus, obseruare tenetur, prout expedire cognoverit, licet non teneatur obseruare, quando non sperat nocumētum notabile: loquor enim de peccato mortali.

Qui excusentur ab obligatione ieiunij Ecclesiastici.

CAPUT IV.

Multæ sunt caue à ieiunio Ecclesiastico liberantes homines; mihi ad quatuor capita reduci posse videntur, quæ sunt hæc, infirmitas, paupertas, labor, pietas. Infirmitas a Gabr. 4. dist. 16. q. 3. distinguitur, quadrupliciter: etenim infirmitas languoris, complexionis, ætatis, & conditionis.



Infirmitas languoris est, cùm quis morbo aliquo laborat, & hic excusat à ieiunio; vt febrim, aut morbum alium patientes.

Infirmitas complexionis est, cùm quis facile in malorum labitur, vt valetudinarij: similiter qui inedia statim in dolores vehementes capitis, aut stomachi incident, similiter, quia debiles sunt, vt non possint vnioco prandio necessarium vivitum accipere, sed indigent frequenti cibatione. Infirmas aetatis est, cùm nondum est vigesimus primus annus complectus: secundum enim communem sententiam, ante vigesimum primum annum completum non obligat ieiunium Ecclesiasticum, quia tunc indigent adolescentes cibo ad nutritionem, & augmentum, licet sanctum consilium sit, affuerint iuuenes hos aliquibus ieiunijs: similiter, senes post septuagesimum annum, secundum communem sententiam, excusat, licet in hoc non sit regula certa: aliqui enim senilem contrahunt debilitatem ante sexagesimum, aliqui robusti sureriant post septuagesimum, vt plurimum tamen septuagesimus annus excusat.

Infirmitas conditionis est in mulieribus grauidis, & lactantibus: quæ quia indigent cibo pro se, & pro foetu, secundum communem sententiam liberæ sunt à ieiunio, sed non à qualitate ciborum, licet medici possint licite ysum lacticiniorum ipsis concedere.

Secunda causa erat paupertas: cùm enim aliquis non potest habere vnum cibum integrum, vt isti, qui eleemosynam ostiatim petunt, & modò hic parum cibi, modò illic parum habent, non tenentur ieiunare; fecus si vnum possent habere integrum, & sufficiens prandium. Eodem modo excusat secundum Gabr alij, licet nō ostiatim petant, qui propter paupertatem, miserum prandium, & insufficiens habent, possunt cenare, & interdiu comedere.

Tertia causa excusans, est labor: labor enim corporeus macerans, & defatigans notabiliter corpus excusat, propter quod fossores, messori, aratores, seminatores, fabri lignarij, ferrarij, & oēs alij, vt lapicidæ, cursores, iter facientes pedes, & vt dixi, omnes huiusmodi laborantes excusantur à ieiunio, sed non furores, & qui vestes faciunt, & alij huiusmodi artifices, qui non multum corpus exercent, à ieiunio excusanter. Ad uertendum tamen, laborem hunc excusare, cum prouenit ex una trium causarum.

Prima

Prima est, cum labor competit alicui ex officio : qui enim ex officio huiusmodi labores habent, excusantur, licet diuites sint: non enim tenentur cessare à labore; ob ieiunium, & ita concessum est ab Eugenio in bulla quadam, cuius meminit Sylu. verb. ieiunium, §. 24. quod diuites laborantes non teneantur ieiunare. Quod si ex officio non habetur, excusantur, cum id faciunt in utilitatem Reipub. aut communitatis; ut qui tempore belli iuvant ad fabricas, vel muros construendos, quamvis id ex officio non habeant, soluuntur à præcepto ieiunij, si forte tunc temporis occurrat, quia in utilitatem communem talis labor est. Quod si nec hoc modo sit, excusantur, & cum est ad vitandum damnum proprium, vel proximi temporale, & multò magis spirituale. Et sic excusantur qui tempore ieiunij laborat, vel extinguendum incendium in re propria, vel proximi; vel ad aliud opus corporale faciendum, quod nisi fiat, inducit damnum. His causis labor huiusmodi excusat à ieiunio.

Quarta causa excusans est pietas, nempè officia spiritualia, & opera misericordiae, quæ cum ieiunio esse non possunt, ut concionari, legere, & secundum Caiet. confessiones audire, inferuire hospitalibus, peregrinari per loca pia. Nota tamen, quod huiusmodi non excusantur, nisi cum ex officio fuerit, aut ex obedientia, aut ex voto aliquo præcedente. Sylu. ver. ieiunium, §. 26. dicit, quod cùm conciones alicuius sunt multum viles populo, posset excusari à ieiunio, licet sine obligatione vila, sed ex propria deuotione ficeret. Adde etiam quod isti, qui in vniuersitatibus legunt, non ex officio, sed ad sui notitiam, & opinionem comparandam, possint legere, & excusari à ieiunio, cum detrimentum illis obueniret, nisi lectio[n]es continuarentur. Circa peregrinationem autem omnes notant, non licere peregrinari tempore ieiunij, & ieiunium soluere, nisi cum ex voto peregrinatio est, nec possit commode differri in aliud tempus. Addit Nauarr. num. 19. posse fieri, cùm ex deuotione aliqua magna sit; sed ut credo, non licet absque consilio Confessarij, iudicantis plus spiritui profuturam peregrinationem, quam ieiunium. Licet etiam peregrinari die ieiunij, ad vitandum detrimentum temporale aliquod; putà, cùm habet socium viæ, quem amitteret, nisi iter illo tempore conficiat, aut cùm timet aliquod periculum. Excusatur & à ieiunio, qui non potest reddere debitum vxori ieiunando. Rursus excusatur vxor, quæ ad vitandas

rixas, & odia cum marito, cœnat cum ipso, & iejunium soluit, ita dicit Tabien. verb. iejunium, §. 20. & Sylvest. §. 11. sed intellige, cum maritus non facit id in fidei contemptum, tunc enim potius est subeunda mors; quod potest accidere modo, cum maritus Lutheranus est, & vxor Catholica, atque ille per iejunium solui, in fidei contemptum, tunc non est vlo modo acquiescendum. Hæ sunt causæ excusantes. Erga quas, duoviniuersaliter sunt consideranda.

Vnum est, cùm quis habet aliquam causam dubiam, an excusat vel non, tunc debet petere declarationem, vel à Confessario, vel à viro docto, vel à medico, vel à superiori, p[er] Episcopo, vel prælato: hi enim duo possunt cum subditis dispensare in iejunio, cæteri dicti, declarare. Aduerant autem medicine sint prodigi in hac parte, cœtè enim debent perpendere causas, & non quauis leui causa concedere facultatem, seu declarare causam sufficientem, ad soluendum iejunium, aut vicendum cibis prohibitibus.

Alterum est, cùm p[re]conitens bona fide putat se habere causam sufficientem non iejunandi, licet verè non sit sufficient, solum venialiter peccat, nec debet à Confessario statim damnari de mortalitate immo nec debet illum à sua fide, & conscientia deponere, sed solum exhortari, ut experiatur iejunare. Ita docent Anton. 2 p. tit. 6. ca. 2. Palud. 4. dist. 15. q. 4 art. 1. Catech. 2. q. 147. art. 3.

De obligatione iejunij respectu aliorum.

CAP V T V.

Aliquando homo non solum obligatur iejunare, sed etiam, siue iejunet ipse, siue non, aliorum iejunio attendere; & peccat, quia alij non iejunant. Est autem regula: quies aliquis est causa, ut alij iejunium soluant, qui alter tenebantur iejunare, peccat, ac si non iejunaret. In particulari autem sunt iuxta istam regulam casus aliqui.

Primus est: qui habet seruos, aut satulos, & cogitos laborare aliquo die iejunij ita, ut non possint impiere iejunium, peccat mortaliter, nisi labor ille non possit diffiri in aliam diem, quin damnum alicuius momenti obueniat, tunc enim non peccaret, & famuli excusarentur à iejunio. Ita

habet